

Universitäts- und Landesbibliothek Tirol

Franz Schweyger's Chronik der Stadt Hall

Schweyger, Franz

Innsbruck, 1867

Kriegs wagn ross

Sterzing, Matra.

1546 Es ist auch aufpottn wordn von der kgl. regierung dem gricht Sterzing mit sambt dem perkwerch Gossnsass und Schneperg, haben 2 fann ghabt, seind gschetzt wordn auf 1000 man guettn khriegsvolkh. Matra und Steinach haben auch ain fannen ghabt, seind gschetzt worden pey 500 man. Stubacher gricht mit sambt anderm gricht im obern Innthal seindt auch mit macht auf gwesen der clausn zu hilff.

Flucht der kgl. kinder.

Am 12. Julii sent eingefürt worden in 3 senfft von Innsprug gen Hall umb die 10 ur in der nacht die kgl. kinder erzherzog Karl mit sambt den 3 schwestern Magdalena, Margaretha, Elenora, auch der hoffmaister, herr Veit vom Thurn und die regierung zu tail. Die kgl. kinder seind zu Hall pliben 12 tag, nachmals widerumb von Hall gen Innsprugg anhaims mit pelaitungen etlicher purger von Hall und Innsprugg.

Rettnberger gricht.

Am 13. Julii seind durch Hall zogen das gricht Rettenberg umb die 1 ur nach mittntag auf Zierl zue. Haben khain fann ghabt.

Kriegs wagn ross.

Am 15. und 16. Julii seind durch Hall gerittn pey 1500 wagn ross, so zu Innsprug gemustert seind worden, all auf Regnsprug pschaiden, der kays. mjt. zue.

Gricht Rottnholtz.

Am 15. Julii ist zu Hall ankhumen umb die 7 ur zu abent das gricht am Rottnholtz, ungefärlieh pey 500 man, haben ain fannen ghabt, gell und rott, seind über nacht zue Hall pliben, volgent der clausn zue.

Rattnberg.

Am 18. Julii zu abent umb die vier ur seind durch Hall gangen auf Innsprug zue, nachvolgent der clausen zue. [!] Haben ain fannen ghabt, plab, grien, rott, mit 4 kreitzn quariert.

Kitzpüchl.

Am 19. Julii umb die 9 ur vor mittntag seind zue Hall ankhumen das perkwerch Khitzpüchl, haben da das morgenmal gessen, nachvolgent auf Zirl zue.